



Jinghpaw Wunpawng Hkristan Kanawn Mazum Nawku Hpung
(Japan) A Gawda Ai Tara

Constitution of Kachin Christian Fellowship (Japan)

DAW KABA I. MYING

- Daw Kaji
- ①. Ndai hpung hpe JINGHPAW WUNPAWNG HKRISTAN KANAWN MAZUM NAWKU HPUNG ngu na.
 - ②. Ndai hpung a ningdi ginjaw hpawng shara gaw Tokyo Peace Church, Waseda Hoshien kaw rai na.

DAW KABA II. YAW SHATAWNG SHADA AI LAM

- Daw Kaji
- ①. Karai Kasang a mungga nhtoi lu la nna Japan mung du, nga pra, galu kaba, gan ga nga ai Jinghpaw Wunpawng Hkristan Hpung masha ni rau sha Nawku shakawn daw jau lu na matu.
 - ②. Hpu nau shada myit hkrum kahkyin gumdinm kanawn mazum , matut mahkai hpawng de, garum shingtau , n-gun a wai ban la lu na matu.
 - ③. Karai Kasang shatsam ai hte mungkan htum hkra kanawt yu hkrat wa ai sasana lit hpe dum hprang, hkam la, shada shadum jahprang, shatsam hkat nga lu na matu.
 - ④. Dai daw buga Ningpawt Ninghpang Hkristan Hpung ni hte ding-nawng ding-yang matut mahkai ,n-gun la, sha-ngang shakang , madi shadaw nga lu na matu.
 - ⑤. Japan mung na hkristan hpung ni grau nna kadai mung tinang hte ni dik ai hpung ni hte matut mahkai rau hpawng de Nawku daw jau, shanhte a shatawng shada matsun ai hpe hkam la hkan sa shatup ai hte sasana jawm galaw lu na matu.
 - ⑥. Tokyo Peace Church, Waseda Hoshien kaw Nawku Hpawng nga ai laman , dai hpung a hpung masha majing tai mat ai n rai tim, dai hpung a jahkrat da ai lai masa hpe hkan shatup, lit shatsam matsun madun ai hpe hkam la hkan sa galaw na matu.

DAW KABA III. HPUNG MASHA NI A LAM

- Daw Kaji
- ①. Japan mung du nga ai Jinghpaw Wunpawng Hkristan yawng, Hkalup, Kahtolik, Anglican hte kaga masat da hkrum ai hpung na

Hkristan yawng gaw ndai hpung a Hpung masha rai na.

②. Yesu Hkristu hpe Hkye La Madu ngu garai n hkap la ai kaga hpu nau Jinghapw Wunpawng Amyu Masha kadai rai timung kanawn mazum Nawku Hpung masha hku shang lawm lu ai.

DAW KABA IV. HPUNG WOI NI

Daw Kaji ①. Hpung Up Sara
②. Ningtau Hpung Up
③. Garum Sara
④. Hpung woi ni amu gun ladaw gaw (3) ning sha rai na. Hpang na mu gun wa hpe gaw laning mi naw ra yang, Hpung Komiti (EC) hta bawng ban daw dan nna, Hpung shawa hpawng de tang madun bawng ban daw dan hkam la na.

DAW KABA V. LIT HKAM HPA- AWN KOMITI (EC)

Daw Kaji ①. Ningbaw
②. Ningtau Ningbaw marai (2)
③. Amu madu
④. Garum amu madu marai (2)
⑤. Kunhting hte Garum kunhting (1)
⑥. Jahpan jep hpa awn hte malawm marai (2)
⑦. Komiti malawm (Sap Komiti hpa-awn ni)

DAW KABA VI. LIT HTE AHKAW AHKANG

A. Ndai komiti hpe nga ginra, mabyin masa hta hkan nna hpaw ninghtan, lit la woi awn sa wa na. Hkristan hpung shagun na kasa lawm lu hkra lata sharawt da na.
B. Japan mung kaw du nga ai Jinghpaw Wunpawng Hkristan hte amy masha ni hpe sawk sagawn, jahpan la, kawan katsan , matut mahkai, woi awn kahkyin gumdin nga na.
C. Lit hkam komiti (EC) a mu gun ladaw gaw lahkawng ning (2 ning) rai na. Lit hkam komiti hku nna, ra ahkyak mabyin masa hta hkan nna komiti lakying ni hpe hpaw ninghtan lata san da lu ai.
D. Lit hkam komiti hpawng hpe byin pru wa ai ra ahkyak amu hta hkan nna hpawng na. Ginju amu bawng hpawng hpe shata masum hta kalang hpawng na.

DAW KABA VII. HPUNG SHAWA HPAWNG

Daw Kaji ①. Hpung shawa hpawng hpe laning mi hta kalang hpawng na.
②. Hpung mu gun komiti ningnan galai shagu hte galaw sa wa na

hpung a amu lamang masing masa ni hpe dai hpung shawa zup hpawng hta shagrin la na.

DAW KABA VIII. NAWKU HPAUNG NI

- Daw Kaji
- ①. Ndai hpung a nawku hpawng hpe laban bat shagu, shawa yawng masat da ai shara, ya aten “Tokyo Peace Church, Waseda Hoshien” kaw hpawng na.
 - ②. Makam masham hte Jinghpaw Wunpawng Amyu sha masat nhtoi kaba ni hpe chyalai ahkyak tawn hpawng sa wa na.
 - ③. Hkristan makam masham hte htap htuk ai amyu htunghking hpawng shingra shagu hpe mung hpung ting hte seng ai daw chyen hku hkap la lawm lu hkra shakut sa wa na.

DAW KABA IX. HPUNG ALU

- DAW Kaji
- ①. Ndai Jinghpaw Wunpawng Hkristan Kanawn Mazum Nawku Hpung hpe Hpung masha ni a nawku hpawng shawang alu hte madi shadaw da na.
 - ②. Hpung masha langai hkrai hku sak nawng ai shawang alu hte madi shadaw da na.
 - ③. Masat da ai ga baw, pru wa ai ra ahkyak lam masa hta hkan nna, n- gun jaw shadut, lahkawn shinggyin ai alu hte madi shadaw nga na.
 - ④. Hpung alu hpe masat da ai shaning budget (tau sawn jai lang jahpan), bai ra ahkyak ai hta hkan nna malawng myit hkrum ai hte jai lang na.

DAW KABA X. GRAM LAJANG NA HTE HKAN SA NA TARA

- Daw Kaji
- ①. Jinghpaw Wunpawng Hkristan Kanawn Mazum Nawku Hpung a lit hkam Hpa-awn komiti (EC) gaw ndai hpung a Gawda ai Tara hpe, aten ladaw mabyin masa, ra ahkyak ai hta hkan nna, htap htuk hkra gram lajang lu ai.
 - ②. Gram lajang ai hkan sa Tara hpe Democrecy htung lai hku hpung shawa malawng myit hkrum ai lam hkam la ai hte shagrin la na.

(Dip shabra ai nhtoi..... 11- 3- 2007 / laban)